



-Pamebhamε

"Nimlɔɔ : 005

'Kplo

-kwε 2005

"su -bha 'sëedhe -mü

"Gwεetaawo

WɔN -TAɔNG -MA 'GÜ 'SËEDHE

'Sëedhe ya -yë -kë -mëwɔn 'gü ?

Dhiang -wo -

-Më 'ö -kë 'yö bhii ü -de -wo pö ? Sëedhe 'ö ya -yö -kë ü -de -wo 'gü -mëwɔn 'gü, 'yö 'yii kë "Kwi -wo, "Dhima -wo, 'Glεε -wo -nu 'gü ?

-Ya 'ö -wo kwa -wo 'gü bha, -yö -kë "dhü kö -ya -zɔn kwa -dhe -blεsü 'gü =dhe kwa -dega -wo 'ö -kë =Danwo 'ka bha -yö =bhlëë -sü 'pö. -Wo -nu 'ö -Zlan -ya -nu -da bha, -a "wεε 'bha 'yaa =bhlëë -sü kö -yö ziö- 'ka- 'bha -ta. 'Pë 'ö -a -dhe 'dhö- -bha kö 'kwa- kë, yö -mü =dhe kö 'mε 'ö "dhü -yö =bhlëë -ya ö -de -wo -bha kö -yö kë -tiaandhe -wo "wεε pö -mε -nu "yan 'gü "kpungtaa. Yö =në- -wɔn 'gü, =ya kë =dhe 'bhaa dɔ ü -de -wo -wo pö -dhe 'ka, kö -a -dhe -ya -bha kö 'ö sü =dεε -bha, 'ü -ya -a draan- -sü -bha.

-A =plε -naa -mü =dhe -yö -ya kwa -de -wo 'gü "dhü kö 'wɔn -nu 'ö 'wo -kë kwaa- =Danwo pö "pεen -ta, 'wɔn -nu 'ö 'wo -kë kwaa- 'Kɔdivua -sε 'gü, 'wɔn -nu 'ö 'wo -kö "kpungtaa kö 'kwa 'dho kë- -a -nu =gban -wɔn 'gü tii, "kεε kö 'kwa -a 'bha -nu ma.

=Ya 'go mü, -a -dhe -ya -bha kö bhi 'ö 'ü 'sëedhe ya -a -wo pö sië bha, 'ü kë =dhe mε 'bha 'ö 'wo Samadhi mi -kë -a 'dhö. 'Mε bha 'yö -kpan mε do -bha ziaan -ta kö 'wɔn yaa kë -mε -nu -waa -gi, 'yö dho- 'ka 'yö 'wo- "dhe -kë, 'yö -kë

"klüüklü. =Ya kë =dhe Samadhi mi 'kö bha 'yii kë nu 'nu 'mε bha- -dhe, -mëwɔn 'ö gun yöö- "dhiü =slɔɔ ? 'Mε 'ö 'wo- -gi bha -yö -mɔɔ -bha 'nu 'ö ga. 'Kwa- pö "dhü kö kwa- -pö =dhe kö 'bhii kë dɔ ü -de -wo -go "gbu- kö =bhlëë -yö kë- -bha, "tüng 'bha -yö -dho -wo 'ö -kë =dhεng -pë 'ka, 'ö go "sε -bha. =Ya 'go mü, bhi 'ö 'ü dɔ ü -de -wo -ya -dhe 'ka bha, ü këyɔɔ -ta 'kun. Nu -a -dhe. Kë =dhe Samadhi mi bha- 'dhö.

=Ya kë =dhe 'wɔn 'bha 'dhö ü -go kö 'ü- pö yi -dhe 'ö -gban kwaa- =Danwo "sε 'gü -wɔn -bha, yii- 'drεsü =nε: 08 bp 857 Abidjan 08. Bureau Dan.



Kwaa- =danwo pö "sε 'gü -wɔn

Mε zuë" "piü -yua bo -kɔ

"Kwi -a "su 'ö -kë zue 'ka bha, -a -bha -dhekpɔyi -kaɔng =plε ö ga "sɔɔdhu -naa bha 'ö sü- -bha 'ö yö- 'ka -a -kaɔng -yaaga -naa -bha, =klang- 'ö -gban mε zuë" "piü -yua bo -kɔ -bha, -yö -dho kë- 'ka -Zuan yuö (Zouan- Hien). =Ya 'go mü "su dhe 'ö -kë 'Utö (Août) 'ka 'ö dɔ Zue "piü bha, 'ö sü -a -bha -dhekpɔyi -blεsü -bha 'ö yö- 'ka -a "sɔɔdo -bha, =klang- bha -a do 'bha -yö -dho kë- 'ka 'Dannëng -dhe yaan- -bha.

Mε -nu 'ö 'wo dho kë- =klang- bha -a -zɔn -mε "gblügbü -

nu 'ka -wo =plε. -Wa mε do -dhe Pasitëë Koya. 'Yö- mε do 'dhö -kë Kato Bonifasü 'ka. Bonifasü bha, -yö -kë 'sëedhe -slëë 'gü -mε 'kpüi- dede 'ka kwa -dewo 'gü 'Dannëng "pεen -ta. -Zlan =ya "wɔ- -bha mε "wεε 'bha -nu -wo -dho kë- -nu "piü 'ö 'wo- -nu -ta kun.

=Klang- bha, -a -ya -gen -mü =dhe 'ö sü -gblü -da -sü -bha, mε 'gbε -dede =në 'ö 'wo mü 'ö- -nu zuë" 'dhö =gi -sü 'ka. -A -nu zuë" -yö 'to -sü 'ka =taama ga 'ö bhɔ- -nu -bha, -a -nu =slɔɔpë 'sü 'ö wo, "gbu- -dhe -wɔ 'ö wo 'nëdhiëng

-nu 'dhö, dhebë -nu 'dhö, -a -nu -ta, -yö mε 'gbε zuë" 'to -sü 'ka =taama -dedewo.

-Kɔ 'ö dho kë- -bha kö 'wɔn -yö 'go -a -nu zuë" "piü =në- -wɔn 'gü 'yö =klang- bha 'ö -ya. -A -wɔn 'gü mε =gban "pεpε kwa -dhe -yö wo -sü 'ka 'wɔn bha- -ta. =Ya dhi 'mε 'ö- -dhe -yö -mɔɔ -a -bha 'ö dho -Zuan Yuö, "iin 'Dannëngdhö.

-Kwaa 'wɔn dɔ- 'ka =dhe 'sëedhe 'gbε -dede "dhɔɔ -bha -yö -dho kë- 'wɔn bha- -ta. =Dhe "dhü, 'mε "dhü -a 'dho -sü 'ka, -yö 'wëë- 'kun ö -kɔ "piü kö -ya -nu 'dho.

L'orthographe DAN

Voici ce que nous pouvons utiliser pour savoir lire et écrire en langue dan.			ëë "këë daba			ü 'gü intérieur		
Les consonnes et les voyelles que vous ne voyez pas ici sont les mêmes qu' en français.			ën "kën rassasier			üü "güü amère		
Attention:			ëën =klëën entourer			ün =blün miette		
1. c, h, j, qu et x n'existent pas en dan.			ea "kpea sec			üün glüün rouler		
2. r ne se trouve jamais au début d'un mot.			ean gean" scorpion			ü "gü brûler		
Voici le reste de l' alphabet :			gw -gwë caillou			üü "bhüü tarir		
Lettres Exemple Traduction			in "bin fleur			u "tu oreille		
Aa "kaa gale			iin "iin ou			uu "tuu sauce		
An "gan tirer			l "wl parler			-Wo 'dho -kɔ (Les tons)		
Aan saan cadeau			u "gbu- fort			très haut "dhü arbre		
aɔ kaɔ perdrix			kw =kwaa main gauche			haut 'kɔ maison		
aɔn 'daɔn- araignée			ng ¹ gbeng nuit			moyen dë père		
bh -bho cabris			o "pɔ credit			bas =zε termite		
dh dhe mère			ɔn "yɔn huile			très bas -dho amour		
ee =wee sel			ɔɔn =yɔɔn sang			très haut + très bas "klang- singe		
ε "pε déchirer			ö pö dire			haut + très bas 'yënn- soleil		
			öö töö panier					



Kwaa- "Kodivuaa -se 'gü -wɔn

-Tosea -kë 'flëë- 'gü -sü 'dhö 'ö 'yaa- wo

-Kwaa 'wɔn dɔ- 'ka
=dhe -tosea -kë 'flëë- 'gü
-sü =ya kë "bhadha -dede
'ka dɔ 'ö 'kwa- wo ya- 'gü.
-A -kë "dhü -sü bha- 'gü,
kwaa- "sego "dhiü -më -yö
"dhasi -nu -ya -sü -nu 'ka
kö 'ko -yö zë =kwa -më -nu,
më zë -më -nu, 'wɔn yaa kë

-më -nu "pepe bha- -nu
'ka. -Ya kë -sü 'ka "dhü
"kwi -pö "gblügbü -nu, -a
'seennë -nu 'gbë -dhe 'gü
kwa -go "se ya- 'gü. =Ya 'go
yö -zë -a 'gü, -yö -dhe
-sü 'ka më -nu -go "kwi -
pö -nu bha- -nu 'gü kö -
wo woo- 'kɔbhang -nu 'ö

-naa "kwanngdhe -nu -zü, -
a -nu "dhiü -nu wlüü". -
Wo "kwë -nu kë -piö -nu
'ka.

-Wo pë -ya 'kɔ
=dhong -nu 'ö 'wo- -nu
-dhe "kwi -wo 'gü fönetrë
bha, -a -nu -bha. -Wo
'gbën- -nu -ya "kwanngdhe

-nu 'gü. "Kwanngdhe -maa
kë -më -nu -wo kë kpökpö -
nu 'ka. -Gɔn gɔn -më -nu
-naa -dhioo -yö do. =Ya kë
"dhü kö kwa- -pö =dhe 'më
'dhe 'ö ü -kɔ "dhiü 'dhö "pu
-sü 'ka -wëëga -wɔn
"gbluy "piü, ü -mɔɔ -a -bha
'ü ü -bha -kë

"Kpungtaadhe -wɔn

Bili 'Gramö (Billy Grahamö) -bha -kwe -kaɔng "saado "yuu 'sü 'ö- wo

Bili 'Gramö bha
-Zlan 'gü mi 'kpüi- mü. -A -
kwe =ya kë -kaɔng "saaga
ö ga "saado. 'Ö -ya -Zlan
-bha yë -bha, -a -kwe
-kaɔng "saado (60) -naa
=në. "Kwi -bha "su 'ö -kë
'zuen- (Juin) 'ka 'ö -ziö ya,
-a -bha -dhekpäyi
-kaɔng =plë ö ga "sɔɔdhu -
naa bha, 'yö -kpan
'kwëëdhe 'kpüi- 'ö -gban

-Zlan 'gü -më -nu -bha, -
a -kë -a 'ka =Mlëkëen "se
'gü, "Kwi -pö do 'bha 'ö
mü 'ö 'wo- -dhe "Niyɔɔkö
(New York), -a yaan- bha,
-dhekpäyi -yaaga 'ka
'gbaandhö më "gblü këng
=plë ö -kɔ -yaaga
(230.000) wëëdhö. -Zlan -
bha yë bha -ya kë -sü 'ka
-dedewo.

-A -gen -mü =dhe -
yö -Zlan -wo pö -sü 'ka
"sego këng do ö -kɔ "saaga
waa- "sego "sɔɔdhu (185)
=në- -nu 'gü 'gbaandhö
"kpungtaa. Më "gblü këng
=plë ö -kɔ (210) =në 'ö
-Zlan -wo bha -a pö -sü
'ka -a -nu -dhe 'ö nu 'ö yö-
'ka =dëë -bha.
=Dhamlëeken "sego "dhiü -
më -nu waa- "sego "wëë -

nu -go "dhiü -më -nu -
wo kë wo "tu -to -a -bha. -
Kɔ do 'ö më -nu 'wo gun
'Zan- 'Papö 2 'sü sië- 'ka,
"iin -a -ga sië- 'ka bha, 'yö
'wo yöö =de 'pö -a sü-
-bha.

Bili 'Gramö bha,
-a -bha dhiang "pepe 'ö-
-nu zë, -a -go -dɔ -dhe -
mü =dhe : << N Dëmë a nu
sië >> 'ka.

Më =sɔɔ -pë -nu -wɔn

'Wɔn 'ö -gban 'në 'seennë -naa yë "gbügbü -kë -sü -bha

-A -kwe -yiisio -
naa =në, "Kwi -a "su 'ö -kë
setangblë 'ka, -bha, -a
-dhekpäyi -kaɔng do ö ga
"suisio -naa bha, 'yö
=Dhamlëeken -nu 'wo- pö
=dhe 'ö sü "su 'dhe 'ö 'kwa-
'gü, 'ö -kë zue (Juillet) 'ka
ya, -a -bha, "sego "pepe 'ö
waa- 'në -nu 'ö- -nu -kwe
'yii kë =mɔɔ =kö -kaɔng do
ö ga "saado -bha -a -nu
-da =kakao -bhlää -nu 'gü,

'wii 'dho -a -nu -bha
=kakao 'dho. "Sego -nu 'ö
'wo "dhü bha "Kodivuaadhe
-ya -nu kpö 'gü. -A -kë "dhü
-sü bha- 'gü, -wo kë -pö
'waa woo kwaa- =kakao
'dho. -Yö -bho -a -bha
=dhe 'në -nu 'ö 'wo -ziö
"gblü këng =plë ö -kɔ
"saaga -ta 'ö- -nu -kwe 'yii
kë =mɔɔ =kö -kaɔng do ö ga
"saado -bha, =në 'ö 'wo yë
kë sië "bang 'ka =kakao

-bhlää -nu 'gü. -A më 'dhe -
nu 'ö 'wo -kë =dhe =zuee
-nu, pë see- -pë -zë 'ka -pë
-nu -wo -nu -a -nu -dhe 'ö
'wo- -nu =weng 'bhläädhe
-nu bha- -nu 'gü, -a -nu
"dhi -yö -ziö "gblü këng
do ö -kɔ "sɔɔdhu -ta. "Kë
kö =bedhe -nu 'ö 'wo bha
-wo -ziö 'në -nu zë -sü -go
-sueesueedhö.

'Në -nu 'ö 'wo yë
"gbügbü -nu bha -a -nu kë

sië =dëë "kpungtaadhe -to
"dhü -sü 'gü, -wo -ziö
"miliong këng -yaaga ö -
kɔ =plë -ta. -A më 'gbë
-dede =në 'ö 'wo- -nu kpö
'gü 'ö waa- -a -nu -da yë
'gü -më -nu 'waa -gban wo
'kwëë- tongtongdhö. -Ka
-wëëwɔn -nu -ga bha !

-Kwaa kë -së kö
'kwa 'dho kë- 'wɔn suu bha
-a kë -më
-nu 'ka.

'Wɔn 'ö -gban -potaasü -wɔn -bha.

"Yua 'ö -gban dha -bha ban -sü -bha

"Yua 'ö "kwi -nu 'wo- -dhe
fièvre tifoidö bha, -a -gen 'kpüi- -dhe
-yö -gban dha ban -sü =në- -bha. 'Më

-nu 'ö "yua bha 'ö- -nu kun -kwe
-bha -wo -mɔɔ më "miliong -kaɔng do
ö ga "saado -bha. 'Yö 'më -nu 'ö 'wo

to- go -kwe -bha -a -nu kpö =zinng
'gü 'wo më "gblü këng "saado. 'Ö 'më
'ö- -bha -a -më kwi -yö -kun -

dedewo 'ö- "dhiü 'dhö -ziö. 'Ö kē siē "dhü kö- -mē -yö 'kō =taama kē siē "yān 'ka, 'ö- "yan 'gü 'dhö =niēē -nu wo, 'ö -a -gō 'gü 'dhö wü, 'ö -a 'gü 'dhö ga. -Kō 'ö "gung -yö mē -kē -a 'ka, 'yö "yua 'ö "dhü bha, -a -bha 'dhö- 'ka 'pö.

"Kēē -a -bha bha, -a "dhe kē -kō -yēē -yö 'gbē, "kēē -a 'dhe -nu 'ö

kwa dho 'klēē- 'kpo -a -bha, "iin 'ö 'wo dho 'to- kwa "yaan, yö -mü =dhe -kwa "yi -wān 'kun -sē -dedewo. Kwa mü -yi -nu, -zu 'ka -yi -nu, "yi 'kō - kē -zē wo =dhe kwa -mawān -yö - dho zun- -bha, -kwa baa- -a -nu -bha - sē 'ka. =Ya 'go mü kwa "zu -dhe -nu, 'kō =taama kē -dhe -nu, pē -kpa -dhe -nu, 'pē 'ö dho kwa "dhi 'ö -kē -zē wo

-bhöpē 'ka, -kwaa -nu -wān kē -kō - sē kē. =Ya 'go 'bha wo 'mü -kwa "slē mawān -bha kō =dhawān -nu -wo kwa pike. -Kwa 'dho- -nu "piü. -Kwē =plē pikee do.

Kō 'kwa- 'gü ma -sē 'ka bha 'aa -yö kē ?

'Wān 'ö -gban troo -nu -bha mē wān -nu 'gü

'Wān 'ö -gban -dhöökpo -zuö -wān -bha

-Dhekpacyi =plē ya- "piü troo 'ö -kē -dhöökpo -zuö -sü 'ka bha, -a 'bha -yö kē -kē kwa -gō "sē 'ö ya 'gü. -A -gen -mü =dhe -dhöökpo -troo 'kpīi- -dede 'ö ya kē 'ö -zuö "segō "pēpē 'ö 'wo "kpungtaa, -a -nu =zinng 'gü, 'yö- 'bha yöö -zuö -kwē 'ö nu siē ya- 'ka (2006).

-A -kē "dhü -sü bha- 'gü, "sanni "segō -nu bha -wo 'dho "dhü, 'yö- -nu

'gü -ya =wēē =kō, kē "dhü kö 'mē 'ö =ya kē "gbu- kö -yö gun 'dho- -naa. -A -kē "dhü -sü bha- 'gü, "segō -nu 'ö 'wo waa- 'Kodivua -nu =loo 'ko -ta kō -a -nu 'gü -yö =wēē bha, 'yö -a "gbu- do 'bha 'dhö -kē Ezitö -segō 'ka.

Ezitö -segō bha, 'yö -ya -sü 'ka kwaa- Metii "sē ya -a -gō 'dhuü- =yēn. -A 'gü - mē -nu -wo -dhöökpo -zuö -dedewo. "Kēē kwa- -ma

=dhe -piö dhiü bho -piö -yö -dhö. -Aga 'yö 'mē -nu bha waa- kwaa- -dhöökpo -zuö -mē -nu 'ö 'wo- -nu 'to -dhe Biö bha 'yö 'wo 'pē bha- - zuö "kwi -a "su (Avlilö) 'ö - ziö ya- 'gü, -a -dhekpacyi -kaongdo ö ga "siüsü -naa bha- 'ka. Kwu" -mē -nu kwaa- "yuu -mü kwaa- "yuu -mü Kwa kē 'mē -nu bha- -a -nu -gō -kē 'bii- =plē 'ka 'gbaan- dhö.

Ya 'go mü kö "segō do =nē =ya 'to. 'Yö -kē Kamödhunö -sē 'ka. 'Kwa -a -nu -gō -zē kē kō -dhöökpo - zuö -troo 'kpīi- bha, kwa - dho 'dho- -a -zuö "Dhima "sē 'gü -kwē 'ö nu siē ya- 'ka. -A -gen -mü =dhe -dhe bha =nē 'ö 'wān bha 'ö dho kē -a - bha. =Ya kē "dhü kö -kwaa -dhe Atanna -gō kō -yö nu kwa -dhe "tēē 'ka.

"Yu -wān

-Bhea -Zlan -dhe -kō "yu -sü

=Dheglizö suu 'bha -yö Metii "sē 'bha 'ö 'wo- -dhe Kamörünö -a 'gü, -a -bha -bhea -Zlan - dhe -kō -yö -deta. -Waa pö woo bhea" mē =gban - wo "gblēēnu 'ö 'wo -wo wo 'gu -ta "pēpēdhö 'ö 'wo wo -gō -gban -a 'ka "sēē kō -wa wo "yan ta kpengkpengdhö kō buzi do -sü -ya -nu -gōdhö.

-Aga -dhekpacyi do 'ka kō dhebē 'nē do 'bha bha =ya ö bha wun -lö =gblengblen 'ka - wleghdhö, 'yö gun bhea" bha- wo siē. Yaa' "gblēēnu 'ö- wo bha, -a -bha wun =ya yö buzi 'ö "pu siē -a -gōdhö bha-

-bha, =ya -pö, -a wun "zo =ya yö 'pē 'ö 'pu siē bha- -bha. Mē =gban -wo bhea" siē -dedewo wo faan =gban 'ka. Buzi bha =ya yö wun "zo -bhö -sü -bha =dhe mē -yö -mē -kē. 'Mē -nu 'ö- -nu yun "gbiü 'dhö dō, -a =fii =ya kē -a -nu 'gü -sē. -Wo "wü siē wo zuē" "piü =dhe bhea" 'ö 'wo- wo siē bha =nē -Zlan -yaa ma, 'pē 'ö -kē 'ö -kē "dhü bha 'yö bha. 'Wo- kē siē "dhü, 'mē "uu 'mē 'kō ö -gō "dhiü =wliü kō -ya -Zlan =bhlēē -siö.

Buzi 'kō bha, -a =gbaan yēn, Pasitēē -yaa pö -wo wo "yan "dhiü "pu kō -wo wliü", 'yö 'wo gun

-a kē- -naa. Buzi =de 'pö wun bha -a din -ya kē- 'gü -dedewo -sē ; -ya -bhö siē "wē -nuēnuēdhö =dhe mē -yö "yān "puu pa -to 'kaa- 'ka, =ya =loo wun ga =gblengblen bha- =zinng 'gü. "Kēē "yān =fii -sē 'ö dhebē 'nē bha 'ö kē- -ziö ö =gwinng- 'yö 'wo gun -naa -a -bha wun -lö bha, -a =fii 'ö -ya -a -gō 'ö go 'mü 'ö- =gwinngdhe 'ö- =nō "nō kē siē -sē 'ka bha, -yö -kē -a 'gü =dhe -Zlan bha =nē 'ö -ya =lō 'yö ö -kō ziö siē- -gō 'gü bha. -A -wān 'gü, =ya faan -ya bhea" -sü -bha ö "yan ta -sü 'ka kpengkpengdhö =dhe mē -yö 'wēē- -yēbho 'gü -kō

"dhi ta. "Kēē 'ö dō 'mü kō - a -kun -bha -dhe 'yaa- - bha 'zü, kō pē -yö 'ma siē- -gō 'ka =dhe mē -yö -mē -kē. Kō Pasitēē -zē -ya pö siē -wo 'dho bhea" -sü 'ka "dhiü, -Zlan -ya lō -a -nu =zinng 'gü, 'pē 'ö -kē 'ö "yān =fii -sē -dede -ya - ya bha, 'yö bha. "Kēē -a - bha -pö "dhü -sü =gban 'gü, dhebē 'nē bha 'yii kē dhang- bho- "dhiü. -Kaa - ga =ya ö "yan "pu, -ya -ya "gbla -sü -bha. Mē =gbaan wliü" "vaandhö.

=Bhluu "bhluudhe -ya -da. -Zlan 'yaa mü 'ö =lō, "kēē =ya bho dū -gō -mē (Satan) -bha.

=Kesi Dhifngsü

"Gwüng

<< 'Waa 'wɔn yaa "yɔɔ bho 'wɔn yaa 'ka. >> Kwa -mɔɔ -a -bha 'ö 'kwa 'wɔn -zɔn 'ka sü gɔndë 'në 'ö- -bha 'në 'dhö -pö "yi =bhaa 'ö- -dhiang 'dhö zë -sü 'ka 'sëedhe -be 'në 'ö -kë 'waa 'wɔn yaa "yuu bho 'wɔn yaa 'ka -a 'gü bha- -bha. 'Wɔn -zɔn 'ka -së -dede =në 'ö bha. -A 'sëedhe -be 'në bha -a "dhɔɔ -bha -yö "Ze Emanue -go "Maadhö.

Ü këyɔɔ -ya 'wɔn yaa kë ü 'ka, 'bha 'dho- -go "yɔɔ dɔ- -go 'wɔn yaa 'ka. Ü -bha -yö kë 'wɔn -së kë -sü 'ka -a -më -dhe. -A -gen -mü =dhe 'wɔn -së kë -më 'yaa =dhe -Zlan -go tongtongdhö. Kwa- -ma "dhü.

Pë -Wlangda -sü

'Sëedhe -be 'në -nu 'ö- -nu -yö "kpenngdhe 'yaa =gblæn 'zü

'sëedhe 'në -nu 'ö 'wo "dhü bha wo -mü :
-Kɔ -mɔɔ 'wɔn -bha -sü -yö Yesu -go kö -yö më dha.
Yesu -bha më -nu =klang- kë -wo -nu.

'sëedhe 'ö -gban "gung -yua -bha -kpɔ më 'ka -sü -bha.

=Ya kë "dhü kö -ka ka baa- sië kö 'ka 'wëëga 'në 'bha -ya -ka
-kɔ "sɔɔ kö -wa yö "kpenng yi 'ö- 'ka, 'ka 'to 'ka- -nu 'dhɔ.

=Ya 'go yö -zë -a 'gü,
=klang -tiantandhe -dede
'ö -gban 'më 'ö ü zuë" 'dhö
=gi -sü 'ka 'wɔn 'bha 'kosɔn,
'ö dho kë -kɔ 'ö- -bha kö -yö
'go ü zuë" "piü, -a =klang

bha -a do -yö -dho kë-
'Dannëngdhö "kwi -bha "su
'ö -kë Août 'ka, -a 'gü. -A
zü -yö -dho bho- -a
-dhekpacyi -Blëesü 'ka, 'yö-
"dhiü 'dhö ta -a "saado -

naa 'ka. -A =plë -naa -yö -
dho kë- "Zuan Wen "su 'dhe
'ö -kë Juillet 'ka bha, 'ö sü -
a -dhekpacyi -kaɔng =plë ö
ga "saadhu (25) -bha 'ö yö-
'ka -a -kaɔng -yaaga (30) -

bha. "Këë -kaa 'gü ma -së
'ka; Më "pëpë 'ö kaa- nu
=klang- =plë bha, -a -nu -ta
bha, -ka -dhekpacyi do 'to
"dhiü kö 'ka nu.

**Pë "bin 'ö ya -a - ga, -a -blëesü bha, -a 'klɔɔ- mɔɔ- kö 'ü- -ya ü -kɔ "sɔɔ. -A do 'bha -yö nu
sië =taama kö 'ü- -bha 'klɔɔ- mɔɔ- 'pö.
-A 'dhe 'ö- =wlöö bha, -a -ga. Wü do -zë 'ka -dhe "saaga -ya -bha, -a -nu mɔɔ-**

